

teannaich do nàmhaid thu a'd' gheataibh.

58. Mur d'thoir thu an aire uile bhriathran an lagha fo a dheanamh a tha sgrìobhta 'san leabhar so, a chum gu'm bi eagal an ainm ghlòrmhoir agus uamhafaich fo ort, AN TIGHEARNA DO DHIA :

59 'An sin ni an Tighearna do phlàighean iongantach, agus plàighean do fhliochd, *eadhon* plàighean mòra agus maireanach, agus eucailleach cràiteach agus fadalach.

60 A bhàrr air fo bheir e ort uile ghalaran na h-Eiphit, roimh an robh eagal ort; agus leanaidh iad riut.

61 Mar an ceudna gach tinn-eas, agus gach plàigh, nach 'eil sgrìobhta ann an leabhar an lagha so, iad sin bheir an Tighearna ort, gus an sgrìosar thu.

62 Agus fàgar sibh tearc ann an àireamh, 'an àite gu'n robh sibh mar reulta nèimh 'an lìon-mhoireachd; a chionn nach d'èisid thu re guth an Tighearna do Dhé.

63 Agus tarlaidh, mar a rinn an Tighearna gairdeachas os bhur ceann a dheanamh maith dhuibh, agus gu'r deanamh lìon-mhor, mar sin gu'n dean an Tighearna gairdeachas os bhur ceann gu'r sgrìos, agus gu'r toirt gu neo-ni; agus spìonar sibh as an fhearann d'am bhèil sibh a' dol g'a shealbhachadh.

64 Agus sgapaidh an Tighearna thu am measg nan uile chinneach, o'n dara ceann do'n talamh eadhon gus an ceann eile do'n talamh; agus 'an sin ni thu feirbhis do dhéibh eile, nach

b'aithne *son chuid* duit féin no do t'aithreachaibh, eadhon do fhiodh agus do chloich.

65 Agus am measg nan cinneach sin cha'n fhaigh thu suaimhneas sam bith, ni mò bhios fois aig bonn do choise: ach bheir an Tighearna dhuit 'an sin cridhe gealtach, agus fàilneachadh shùil, agus doilgheas^a inn-tinn.

66 Agus bithidh do bheatha crochta ann an amharus^b fad' chomhair; agus bithidh eagal ort a là 'fa dh'oidhche, agus cha bhi cinnte air bith agad do d' bheatha.

67 'Sa' mhadainn their thu, Och! nach b'e 'm feasgar e; agus 'san fheasgar their thu, Och! nach b'i mhadainn e; air son eagail do chridhe le'm bi eagal ort, agus air son seallaidh do shùil a chi thu.

68 Agus bheir an Tighearna ris thu do'n Eiphit ann an long-aibh, air an t-slighe mu'n dubhairt mi riut, Cha 'n fhaic thu ris i tuilleadh: agus 'an sin reicear sibh re'r naimhdibh mar thràilleachan agus mar bhan-tràilleachan, agus cha bhi neach ann gu'r ceannach.

C A I B. XXIX.

IS iad sin briathran a' choi'-cheangail a dh'aithn an Tighearna do Mhaois a dheanamh re cloinn Israeil, ann an tìr Mhoaib, a thuilleadh air a' choi'-cheangal a rinn e riu ann an Horeb.

2 Agus thug Maois gairm do Israel uile, agus thubhairt e riu, Chùnnaidh sibh gach ni a rinn an Tighearna fa chomhair bhur sùil ann

^a bròn, dubhachas ^b 'an teagamh